



IRIGO AZKONA

HERRITARREK EZ EBEN HUTS EGIN. Tximu eta Oscar Garcia, ekimeneko antolatzaileak, oso pozik dagoz herritarren parte hartzeagaz.

Haritz Gallastegi | **BASAURI**

Askok eta askok pentsetan dau futbolak beste ekimen asko egiteko denpora kentzen dauala. Egunero eta momentu guztietan futbola gora eta futbola behera ibilteak, askoz be garrantzitsua goak ei diran gaiak alde batera lagatea eragiten dauala.

Baina beti ez da halan izaten. Batzuetan, ganera, kontrakoa be gertatzen da. Basauriko Piru Gainza peña da horren adibiderik garbiena. Ehun Athletic zale baino gehiago biltzen dauzan peña honek beti izan dau argi, futbolaz ganera, beste gauza asko dagozana egiteko. «Oso argi daukagu denpora guztia ezin deusaguna Athletici eskaini. Halango talde batek ekimen asko egin daitezke, eta geure asmoa ahalmen hori ekintza asko antolatzeko aprobetxatzea da», esan euskun peñako kide batek, Tximuk.

Futbola ez da dana

MITCH URAKANAK KALTETUTAKOEN ALDE.

Basauriko Piru Gainza peñak tona bi material batu dau, Hondurasera bidaltzeko

Tximu izan da, hain zuzen, Honduraseko Jutiapa udalerrirako kirol materiala biltzeko ekimena antolatu dabenetako bat. Joan dan zapatuan, Serso San Jose Gobernuz Kanpoko Erakundeakaz lankidetzan, Erdialdeko Amerikako herrialderako kirol materiala bildu eben. Goizeko 11:00etan hasi eta arratsaldeko 18:00 bitartean, Benta plazan egon ziran baloiak, txandalak... batzen. «Kirola egiteko materiala bakarrik hartu genduan. Gure asmoa ez zan ekimen hau jenteari armairuan daukan erroa zaharrak kentzeko atxakia izatea», adierazo eutsan *Bizkaia*ri Tximuk.

Jutiapako herritarrendako materiala biltzeko ideia, gazteendako Piru Gainza torneoa amaitu ostean otu jaken. Hainbat kirol denda eta markak emoten deusieez kamisetak, baloiak... umeen artean banatzeko. Material asko sobratu zanez, beharra eukan jenteari emotea erabagi eben peñako kideek. «Sobratutako dana Serso San Juan GKEri emotea erabagi genduan. Gero, herri guztia proiektuan sartzea pentsatu genduan».

Herritarren parte hartzea bultzatzeko, zerbait emon eban jentearen artean Athleticeko jokalariek sinatutako kamiseta eta baloi bana zozketatu eben.

Antolatzaileak poz-pozik dagoz herritarrek emondako erantzunagaz. Guztira tona bi kirol material bildu ziran. «Ikaragarria izan zan. Laguntza itxaroten genduan, baina ez neurri horretan. Batutako materialaren erdia baino gehiago barria da», azpimarratu eban Piru

Gainzako kideak. «Sekula ez dot ahaztuko andra batek egin ebana. Eguerdian partean geugana etorri zan zer egiten gengo-zan jakiteko. Azaldu eta berehala denda batera joan zan txandald bat erostera», azaldu eban Tximuk pozez ganezka.

Materiala Hondurasera bidaltzeko diru beharra

Kirola egiteko materiala biltzea lehenengo pausoa besterik ez

TXIMU

Piru Gainza peñako kidea

«Denpora guztia ezin deusaguz Athletici eskaini. Beste ekimen batzuk be egin behar doguz»

da izan. Orain biltegia bete eta ahal da bizkorren Hondurasera bidaltzeko behar da. Horretarako Udalaren laguntza eskatuko dabe, izan be, nahiko garestia da, Serso San Jose GKEko koordinatzaile Os-

car Garciak adierazo eban. «Materiala ailegatzea bermatu behar dogu. Horretarako biltegi-tan bidaltzea da seguruena, baina baita oso karua be». Materiala Mitch urakanak kaltetutako lekuetara bidaltzeko da.

Bien bitartean, Piru Gainzako kideak halango ekimenak antolatzen jarraituko dabe.

AGENDA

BARAKALDO

Dantza: Mayte Martin. Barikuan, gaueko 23:00etan hasita, Barakaldo Antzokian.

Zinema, bideoa: *El otro barrio* filmearen proiektzioa. Gaur, arratsaldeko 20:00etan eta 22:30ean, Barakaldo Antzokian.

BASAURI

Antzerkia: *Ez da hain erraza* antzezlan. Barikuan eta zapatuan, La Tentacion & Tricycle taldearen eskutik, Social Antzokian.

Zinema, bideoa: *La espalda del mundo* proiektzioa. Bihar, arratsaldeko 20:00etan eta 22:30ean, Social Antzokian.

BILBO

Musika: Arde Asia. Gaur, gaueko 21:00etan, Kafe Antzokian

Musika: Euskadi Gaztearen Kontzertuak: Lau Behi eta Diego Vasallo. Gaur, gaueko 22:00etan, Kafe Antzokian.

Musika: Ene Bada. Bihar, gaueko 22:00etan, Bilborock aretoan.

Musika: Jousilouli. Bihar, gaueko 22:00etan, Azkena Aretoan.

Dantza: Ballet Victor Ullate. Bihar, barikuan, eta zapatuan, arratsaldeko 20:00etan, eta domekan arratsaldeko 19:00etan Arriaga Antzokian. Ballet Comunidad de Madrid taldearen eskutik

Berbaldia: *Agur, Euzkadi* liburuari buruzko berbaldia. Gaur, 20:00etan, Deustuko Gazte-lokalean, Juan Luis Zabala liburuaren idazlea, eta Euskaldunon Egunkariako kazetariaren eskutik.

Bestelakoa: *Literatur Jazza*. Gaur, arratsaldeko 20:15ean, AEK-ko Kalderapeko kulturunean. Andolin Eguskitza (poemak errezitatu dauz), Jeronimo Martin (pianoa), Txubio (kontrabajoa), eta Iñaki Jaio (bateria). **Erakusketa:** *Esencia para el 2000*. Hainbat artisten lanak. Berta Belatza Galerian, urtarrilaren 21a arte.

Ikastaroa: Hainbat ikastaro: egur tallak, eskulanak, altzarien zaharbarritzea, masajea, txalaparta, alboka, panderoa, trikitixa, dultzaina eta atabala. Izena emoteko: Onki Xin alkarteak, (Leon de Urruñuela kalea, 1. Errekalde); osterantzean, 94-4102571 telefonora deitu.

SANTURTZI

Musika: Soda. Bihar, gaueko 22:00etan, Munich aretoan.

Antzerkia: *Vida y milagros de la tecnica* antzezlan. Zapatuan, arratsaldeko 19:00etan, Udal Euskaltegiaren Abantoko Termicaren aurkako taldearen eskutik.

SESTAO

Ikastaroak: Txalaparta, alboka, pandero eta txistu ikastaroak, Zugarramurdi euskal kultur taldeak antolatuta. Datu gehiago gura izan ezkerre, 944 95 47 77 telefono zenbakira deitu.

M a h a i - i n g u r u a

"Bizkaiera gaur"

Hizlariak:

Gotzon Lobera (Bizkaiko Aldundia)
Andres Urrutia (Euskaltzaindia)
Adolfo Arejita (Labayru)
Xabier Amuriza (Mendebalde)

Eguna: Urtarrilak 17, 19:30ean

Lekua: BBKren Kultur Aretoan (Elkano, 20. Bilbo)

Oharra: Mahai-inguruaren aurretik 1. BBK Erreportaia Lehiaketaren sari banaketa egingo da.

bbk

Egunkaria